


Nsima na

KUFA



Imprimé et distribué par:

Ministères pour Chaque Enfant

ecmafrica@ecmafrica.org

mayelekilele@yahoo.fr

www.teachingforafrica.com

NA NSIMA NA KUFA

Buku moke oyo euti na makanisi na Pas-
seur Richard DeHaan, molakisi na lokumu
na Maloba na Njambe. Ebongisami na
Lingala na Elizabeth Anderson

Na nsuka na leçon moko moko, okojua ex-
amen. Meka yango te kino osili koyeko-
la leçon yango malamumu. Boye, kanga bu-
ku na yo mpe meka examen. Soko oyebi
eyano te, luka yango kati na leçon.
Soko osilisi bituneli yonso na leçon
yango, luka na nsuka na buku mpo na
koyeba soko onlongi na biyano na yo.

Batela examens epai na yo--tinda epai
mosusu te.

Tika ete Njambe apambola yo kati na
koyekola Maloba na Ye.



1

MILIMO NA BATO BASILI
KOKUFA BAJALI WAPI?

BUT na leçon oyo:

1. Koyeba esika na koluka mayele na ntina na makambo makojala na nsima na kufa.
2. Koyekola makambo misato, oyo Biblia elakisi biso polele na ntina na bomoi na nsima na kufa.
3. Kosunga makanisi na moyekoli na ntina na baoyo basili kokufa.

Uta na ebandeli na moto, ye ajali ntango yonso kondima ete kufa ejali nsuka na ye mpenja te. Na motema na ye, ayebe ete molimo na ye ekoumelaka se-

ko, ata ye asosoli ntina yonso te.

Bato mingi bakoluka epai na nganga to epai na bato na mayele to kati na buku mosusu mpo na koyeba makambo nini makobimela bakufi. Ntango mosusu bakoyoka nsango na moto oyo alobi ete asilaki kokufa mpenja mpenja nde ajongu lisusu na bomoi. Boye, ebele na bato bakobelega na ye, koyoka soko nini ebimeli ye.

Malamu totika kolukaluka mpe toyoka soko Njambe alobi nini na Biblia na ntina na bomoi na nsima na kufa. Ejali Ye oyo ajalisi moto. Ye ajalisi Nkolo na bomoi mpe na kufa. Ye moko akoki kosolisa biso na ntina na makambo makojala na nsima na kufa.

Maloba na Njambe malakisi biso ete:

1. Molimo na moto ekokufa te nde ekojonga epai na Njambe.
2. Bakufi bakosolana mpe bakolobana.
3. Bakufi bajali kokanisa yango ebimelaki bango awa na nse.

MOLIMO NA MOTO EKOKUFA TE NDE EKOJONGA
EPAI NA NJAMBE.

*"Molimo ekojonga epai na
Njambe oyo apesaki yango."
Mosakoli 12:7*

Tomoni ete Paulo andimaki ete molimo na moto na Njambe oyo akufi ekosepelaka, kofanda epai na Nkolo:

3

"Bongo tojali koyika mpiko ntango yonso. Tomoni ete, awa ekofandaka biso kati na njoto tojali mosika na Nkolo, mpo tokotambolaka na kondima nde na komona te. Nde tokoyikaka mpiko mpe tokotalelaka na esengo ete tobima na njoto mpe tofanda epai na Nkolo."

2 Bakolinti 5:6-8

Ajali koloba lisusu ete ekojala litomba mpenja kojala elongo na Nkolo mpo ete yango ekoleka na malamumu:

"Mpo na ngai kobika ejali Klisto mpe kokufa ejali litomba. Soko ekojala bomoi kati na mosuni, yango ejali mpo na ngai mosala na kobota mbuma. Nayebi te soko nakopona nini. Nakamolami kati na yango mibale, awa ejali ngai na mposa ete nalongwa mpe najala na Klisto elongo mpo ete yango eleki malamumu mingi."

Bafilipi 1:21-23

Boye, tomoni ete molimo na moto ekokufa te; ekolala mpongi mpe te, nde ekoyeba mpe kososola makambo pembeni na yango.

BAKUFI BAKOSOSOLANA MPE BAKOLOBANA.

Mosakoli Yisaya alobi ete ntango Mokonji na Babele akokufa, bakufi mosusu

bakolobela ye kati na Seola (Ewelo):

"Esika na bakufi na nse epesami simbisi kojuana na yo wana okobeleva; ejali kobiangela yo bakufi yonso baoyo bajalaki batambolisi na mokili; ejali kotombola likolo na kati na bango baoyo yonso bajalaki mikonji na mabota. Yonso na bango bakoloba, bakoloba na yo ete, Yo mpe okomi na bolembu lokola biso! Osili koya lokola biso! Lipombo na yo ekitisami na esika na bakufi mpe makelele na bibetelo na nsinga na yo; nkiso ijali mbeto na nse na yo, mpambo ijali kojipa yo."

Yisaya 14:9-11

Tanga Luka 16:19-30 mpe okomona ete Yesu ayebisi biso bobele boye lisusu:

"Ajalaki na mpasi na esika na bakufi, atomboli miso na ye mpe amonaki Abalayama mosika, na Lasalo na ntolo na ye. Ye abiangaki ete, Tata Abalayama! Yokela ngai mawa! Tinda Lasalo ete atia nsonge na mosapi na ye na mai mpe amama lolemo na ngai mpo ete najali na mpasi mingi na mto cyo."

Luka 16:23,24

Merci mingi ete Babulami oyo basili kofu, bajali epai na Nkolo. Bajali koyebana mpe kosololana. Bajali kosepela epai na Nkolo sikawa, mpe bajali yonso na lisangana na esengo kuna.

BAKUFU BAJALI KOKANISA YANGO EBIMELAKI BANGO AWA NA NSE.

"Abalayama alobi ete, Muxana, kanisa ete ojuaki makambo na yo malamumu kati na bomoi na yo."

Luka 16:25

Abalayama alobelaki Mojui ete, "Kanisasa." Ye akanisaki makambo mabimeli ye na kati na bomoi na ye na mokili. Akanisaki mpe bandeko na ye oyo baumelaki kati na masumu na bango. Ntina wana, alingaki ete Lasalo akenda epai na bango kotatwela bango Nsango Malamumu ete bakenda na Lifelo te. Omoni ete ye ajalaki kokanisa.

Mpo na moto oyo akufi kati na masumu na ye, kokanisa na ye ekoyokisa ye mpasi mingi: kokanisa mbala boni aboi koyamba Yesu lokola Mobikisi na ye; kokanisa motindo ye atomboki epai na Njambe.

Mpo na mondimi, akokanisa na esengo yango Yesu asali mpo na koluka mpe kobikisa ye. Akokanisa mpe yango yonso esili ye kosala mpo na Nkolo. Akokanisa lokola baoyo batikali kofanda na mokili:

"Wana ekangolaki ye elembo na

mitano, namoni na nse na e-tumbelo milimo na bango basili kobomama mpo na Liloba na Njambe mpe mpo na litatoli litatolaki bango. Bangangi na mongongo makasi ete, Kino ntango nini, E Nkolo mosanto mpe na solo? Okosambisa te mpo na kobukanisa bango bafandi na mokili na ntina na makila na biso? Elamba mpe mbe epesami na bango moko moko, mpe elobami na bango ete naino mua ntango moke bakopema, kino ekokoka motuya na baninga na bango bango, na bandeko na bango baoyo bakobomama lokola esili bango mpenja kobomama."

Emoniseli 6:9-11


Ejanga te ete bakufi kati na Klisto bakoyebaka makambo mosusu makobima na mokili. Soko bakoki kotala biso mpenja, to banje bakoyebisaka nsango na bandeko na bango, to bajui nsango yango na njela mosusu, nayebi te. Nde nakanisi solo ete bajali kokanisela biso mingi mpe kotalela biso.

EXAMEN 1

Note:

Bituneli bikokesena. Mpo na mosusu, okojua biyano 3 to 4 ete opona oyo ejali malam. Mpo na mosusu, okokoma eyano na yo moko. Tanga etuneli moko moko malam ete ososola yango liboso na komeka kopesa eyano.

1. Malamu toluka mayele na ntina na oyo ekobimela bakufi
 - a. epai na nganga.
 - b. epai na baoyo balobi 1. _____
ete basili kokufa nde bajongi na bomoi.
 - c. kati na Biblia.
2. Koma bisika mibale kati na Biblia oyo imonisi biso polele ete bomoi ejali nsima na kufa.
 - a. _____
 - b. _____
3. Paulo ajali kotanga kufa nini kati na Bafilipi 1:21-23?
 - a. litomba.
 - b. likambo na mawa monene. 3. _____
 - c. Nsuka na makambo yonso.
 - d. Yango eleki na malam.
4. Tanga makambo mibale oyo Mojui kati na Lifelo abosanaki te (Luka 16):
 - a. _____
 - b. _____



2

KOSAMBISA NA BANDIMI

9

BUT na leçon oyo:

1. Koyeba bisambiseli misato oyo Biblia elakisi bijali mpo na bandimi.
2. Koyeba ntina na esambiseli moko moko.
3. Koyeba njela mpo na komibongisa mpo na kosambisama.

Kati na Biblia, tomoni makambo oyo misato na ntina na moto na moto oyo asili kokufa:

1. Akosekwa lisusu.
2. Njambe akosambisa ye.
3. Akoumela libela na libela, soko na Lola, soko na Lifelo.

Moto akoloba ete, "Nde nakanisaki ete Njambe akosambisa moto oyo abotami na Ye lisusu te!"

Tomona bisambiseli misato na Biblia oyo bijali na ntina mpo na mondimi:

1. Oyo na liboso esalami na Gologota.
2. Oyo na mibale ejali kosalama kati na bomoi na biso.
3. Mondimi moko na moko akotema liboso na Esambiselo na Klisto.

ESAMBISELI NA GOLOGOTA.

Esambiseli oyo ejalaki na ntina na masumu na biso. Kuna, Njambe asopeli Yesu nkele na Ye mpo na masumu na mokili. Wana, Yesu akumbi etumbu mpo na masumu na biso na yo. Paulo alobaki ete,

"Ye ayebaki lisumu moko te nde Njambe ajalisaki ye lisumu mpo na biso ete biso tojala na boyengebene na Njambe kati na ye."

2 Bakolinti 5:21

ESAMBISELI OYO EJALI KOSALAMA KATI NA BOMOI NA BISO.

Soko mwana na Njambe atamboli alima te, ekoki na Njambe kopesa ye etumbu:

"Nkolo akopesaka bitumbu epai na baoyo akolingaka bango, akobetaka mwana na mwa-

na baoyo ye akoyambaka bango."
Baebele 12:6

ESAMBISELI LIBOSO NA ESAMBISELO NA YESU KLISTO.

Esambiseli oyo ekajala bobele na nsima na koya na Nkolo Yesu kati na mapata, ntango akoya mpo na kojua bandimi na ye (tanga 1 Batesaloniki 4:13-18). Mondimi moko moko akotema liboso na Esambiselo na Klisto. Nkolo akosambisa ye te na ntina na kobikisama na ye, nde na ntina na misala na ye.

"Ekoki na biso yonso komonana liboso na esambiselo na Klisto ete moto na moto ajua yango ekoki na ye mpo na misala misalaki ye na njoto, soko malamumu soko mabe."

2 Bakolinti 5:10

"Moto akoki kotia moboko mosusu te bobele yango esili kotongama, yango Yesu Klisto. Soko moto nani akotonga likolo na moboko yango litongi na wolo soko na palata soko na mabanga na motuya soko na matiti soko na nkekele, mosala na moto na moto ekomonana polele. Jambini mokolo yango ekomonisa yango mpo ete mokomonana na mbito mpe mbito ekosolisa motindo na mosala mosalaki moto na moto. Soko

mosala motongi moto ekoumela,
ye akojua libonja. Soko mo-
sala na moto na moto ekofika,
ye akojanga, kasi akobika ye
moko, lokola na njela na mō-
to."

1 Bakolinti 3:11-15

Omoni ete bandimi yonso bakotonga liko-
lo na moboko moko: Yesu Klisto. Nde o-
mona mpe ete bakotonga na biloko na mo-
tindo na motindo. Nkolo na biso ako-
meka mosala na biso na mōto. Oyo na ma-
titi soko nkekele (kotambola kati na
mosuni, komikanisa, kojanga kotosa, na
boye na boye) ekojika: bobele ye moko
akobika mpo ete andimaki Yesu, nde a-
kojua libonja te. Ye oyo atongi na wo-
lo soko na palata soko na mabanga na
motuya (mateyo na sembo, na etambweli
na bolingo, na bijaleli malamū, na boye
na boye) akojua libonja mpo ete mosala
na ye ekoumela. Boye, omoni ete esa-
mbiseli oyo ejali mpo na kopesa mondimi
etumbu te nde mpo na kopesa ye libonja.


Ndeko, ojali kosala nini na bomoi na
yo? Ojali kokanisa yo moko, koluka e-
sengo kati na mokili oyo nde kotiola
mokano na Njambe mpo na bomoi na yo?
Soko bongo, na mokolo yango, okotema
na nsoni liboso na Nkolo Yesu. Ya-
mbola masumu na yo lelo, mpe salela
Ye na motema mobimba.

EXAMEN 2

1. Likambo monene ekobima na liboso na
esambiselo na Klisto. Yango nini?
 - a. Koya na Nkolo Yesu
kati na mapata mpo
na bandimi na Ye. 1. _____
 - b. Monyoko Monene.
 - c. Etumba na Alamakendo.
2. Tanga bisambiseli misato bijali na
ntina mpo na mondimi:
 - a. _____
 - b. _____
 - c. _____
3. Mpo na bituneli oyo na ntina na Esa-
mbiseli na Klisto, monisa soko yango
moko moko ejali solo (S) soko solo
te (T):
 - a. Ntina na Esambiseli na
Klisto ejali mpo na ko-
yeba soko moto abiki so-
te. a. _____
 - b. Esika yango ejali mpo na
komeka mosala na mondimi
moko moko. b. _____
 - c. Bandimi mosusu bakojuu
libonja te mpo ete ba-
jalaki komisepelisa to
batosaki Nkolo te kati
na bomoi na bango. c. _____
 - d. Mondimi moko moko ako-
juu etumbu wana. d. _____

EXAMEN 2 (cont.)

4. Ntina na maloba oyo: "Akobika ye moko, lokola na njela na m^oto."
(1 Bakol. 3:15)
-
-



3

LIFELO

BUT na leçon oyo:

1. Koyeba yango Biblia elakisi biso na ntina na Lifelo.
2. Kososola moke motindo na mpasi na Lifelo.

3. Kokanisa likambo monene oyo: Lifelolo ekoumela LIBELA NA LIBELA.

Bato mosusu bakolobaka ete Njambe ajali Njambe na bolingo mpe akofungola monoko na Lola epai na bato yonso. Nde Biblia elakisi boye te. Biblia elakisi biso ete LIFELO EJALI. Tomoni ete Njambe ayebisi biso polele ete na nsima na kufa etumbu oyo ekoumela libela na libela ejali kojila moto na moto oyo akoboyaka Nkolo Yesu Klisto.

Biblia elakisi biso makambo misato minene na ntina na Lifelo:

1. Lifelolo ekojala esika na koyoka mpasi mingi.
2. Mpasi na kati na Lifelolo ekokesena mpo na moto na moto. 15
3. Mpasi kati na Lifelolo ekoumela libela na libela.

LIFELO EKOJALA ESIKA NA KOYOKA MPASI MINGI.

Yoka oyo Nkolo Yesu, Ye oyo ajali bolingo mpe alingaki bato yonso, alobi:

"Lokola balokoti matiti mabe mpe bajikisi yango, ekojala bongo na nsuka na ekeke. Mwanana na moto akotinda banje na ye mpe bakolokota kati na bokonji na ye makambo yonso makoyokisa nsoni mpe yonso bakosalaka mabe. Mpe bakoburika yango kino litumbu na m^oto."

Matai 13:40-42

"Bana na Bokonji bakobwa-
kama libanda kino molili
tuu, wana kolela ejali
mpe kokatakata na mino."
Matai 8:12

Bato mosusu balobi ete Lifelo ejali e-
sika mpenja te--ejali bobele kati na
makanisi na moto. Boye, makanisi na
moto mabe makoyokisa ye mpasi eluti.
Nde Nkolo alakisi boye te. Ayebisi
biso polele ete njoto ekojala elongo
na molimo kati na Lifelo, koyoka mpa-
si mingi:

"Bobanga bango te baoyo ba-
yebi koboma njoto nde baye-
bi koboma molimo te. Bobanga
nde ye oyo ajali na nguya ko-
bebisa na molimo mpe na njoto
kati na Geena (Lifelo)."
Matai 10:28

Boye, tomoni ete Lifelo ejali, mpe e-
jali likambo na koseka te.

MPASI NA KATI NA LIFELO EKOKESENA MPO
NA MOTO NA MOTO.

Tomona oyo Yoane akomaki na ntina na
baoyo bakufi kati na masumu na bango
mpo ete bandimaki Yesu Klisto te:

"Namonaki kiti na bokonji
mpembe monene, na Mofandi
na yango. Mokili na li-
kolo ikimaki elongi na ye,

mpe ijuami te. Namoni mpe
bakufi, minene na mike, ba-
telemi na liboso na kiti na
bokonji, mpe buku ifungola-
mi, mpe buku mosusu efungo-
lami, oyo buku na bomoi.
Bakufi basambisami na maka-
mbo masili kokomama na buku
yango, na motindo na misala
na bango.

Mai monene ejongisi bakufi
na kati na yango: Kufa na
Ewelo ijongisi bakufi na
kati na yango. Basambisa-
mi moto na motindo na mi-
sala na ye, moto na motindo
na misala na ye. Na nsima
Kufa na Ewelo ibwakami kati
na libeke na mōto. Libeke
na mōto oyo ejali kufa na
mibale. Soko ejuami ete
moto akomami na buku na bo-
moi te, abwakami na libeke
na mōto."

Emoniseli 20:11-15

Tomoni ete babungi mpo ete bayambaki
Yesu lokola Mobikisi na bango te. Nti-
na wana bakokota Lifelo. Nde etumbu na
mpasi na bango ikokesena. Basambisami
na makambo masili kokomama na buku, mo-
to na motindo na misala na ye, moto na
motindo na misala na ye. Ntango mosusu
biso bato tokosambisa yonso alima te.
Njambe ajali sembo ntango yonso. Aba-
layama andimaki boye mpe alobaki ete,

"Mosambisi na mokili mobimba
akosala sembo te?"

Genese 18:25

Boye, tomoni ete etumbu oyo Njambe akopesa epai na moto na moto kati na Lifelo ejali bobele sembo mpo na moto yango.

MPASI KATI NA LIFELO EKOUMELA LIBELA
NA LIBELA.

Likambo oyo ejali likambo na nsomo. Tolingi kokanisa yango te. Tolingi kokima likanisi yango. Nde Lifelo eko-umelaka seko na seko. Oyo maloba na moto te, nde maloba na Yesu mpenja!

"Soko mpe loboko na yo ekoyokisa yo nsoni, jenga yango; kojanga loboko moko mpe kokota na bomoi eleki malamumu na kojala na maboko mibale mpe kokenda na Geena, kati na mōto mokojimana te. Kuna nkiso na bango ekokufa te mpe mōto ekojimana te."

Malako 9:43,44

"Akoloba na bango na loboko na mwasi ete, Bolongwa na ngai, bino balakelami mabe, kino mōto na seko mobongisami mpo na Satana mpe banje na ye. Bango bakolongwa kino etumbu na seko nde bayengebeni

kino bomoi na seko."

Matai 25:41,46

Tala maloba na Paulo:

"Emonani malamumu epai na Njambe kopesa boloji lokola libonja na bango bakoyokisaka bino boloji, mpe kopesa bino banyokolami epemelo esika moko na biso na ntango na komonana na Nkolo Yesu wana ekobima ye na Likolo esika moko na banje na ye na nguya, kati na epelelo na mōto ete apesa bato mabe etumbu baoyo bayebi Njambe te mpe bajangi kotosa Nsango Malamumu na Nkolo na biso Yesu. Bakojua lifuti na kobeba na seko mpe kobwakama libanda longwa na liboso na ye mpe longwa na nkembo na nguya na ye."

2 Batesaloniki 1:6-9

Tala mpe maloba oyo Yoane akomaki:

"Mwanje mosusu na misato abilaki bango, koloba na mongongo makasi ete, Soko moto akosambela Nyama, na ekeko na ye, mpe akokamata elembo na elongi na ye soko na loboko na ye, ye mpe akomela vinyo na kongala na Njambe, oyo etiami bobele yango, na mai te, kati na kopo na nkele na ye mpe akoyokisama

mpasi na mōto na sufulu na
miso na banje basanto mpe na
miso na Mwana na Mpate. Mo-
linga na mpasi na bango eko-
buta libela na libela, mpe
butu na moi basambeli na
Nyama mpe na ekeko na ye ba-
kojala na epemeli te."

Emoniseli 14:9-11

Tala maloba kati na bisika oyo:

mōto ekojimana te
mōto na seko
etumbu na seko
lifuti na kobeba na seko
libela na libela

20 Ejali polele ete mpasi na Lifelo eko-
umela libela na libela.

Tosili kokanisa makambo na nsomo solo.
Nde Biblia, oyo eyebisi biso ete Life-
lo ejali esika mpenja mpe yango ekou-
mela libela, elakisi biso mpe ete Nja-
mbe asili kosala njela na kokima yango.
Mpo na bolingo monene na Ye asali nje-
la na kosikola biso. Atindi Mwana na
Ye, Nkolo Yesu Klisto, kati na mokili
oyo. Akamataki njoto pelamoko oyo na
bisu. Ayokaki mpasi mpe komekama lo-
kola biso, nde akokisi mibeko na Nja-
mbe yonso. Akei na ekulusu mpe akufa-
ki wana. Asopaki makila na Ye mpo na
masumu na biso. Na nsima, asekwi na
bakufi, komonisa ete asili kofuta nyo-
ngo mpo na masumu na biso.

Mpo na mosala monene na Nkolo Yesu,
tokoki kojua kolimbisama na masumu mpe
bomoi na seko soko tondimeli Ye. A-
longisi baoyo bandimeli Ye mpe bakoki-
tisama lisusu te.

Osili kondimela Yesu Klisto solo? O-
yambi Ye na motema na yo lokola Mobi-
kisi na yo? Soko bongo, osili kobima
na kufa mpe kokota na bomoi:

"Solo solo najali koloba na
bino ete ye oyo akoyoka li-
loba na ngai mpe akondima
Motindi na ngai, ajali na bo-
moi na seko mpe akokoma na e-
sambiseli te kasi asili ko-
longwa na kufa mpe koingela
na bomoi."

Yoane 5:24

Mwana na Njambe akokota Lifelo te nde
Lola ejali mboka na ye libela na libe-
la. Merci na Njambe!

EXAMEN 3

1. Biblia ejali kolakisa polele
ete Lifelo ejali. 1. ____
(Tiya "solo" soko "te" mpo
na eyano na yo.)
2. Biblia elakisi biso makambo minene
misato na ntina na Lifelo:

a. _____

21

EXAMEN 3 (cont.)

b. _____

c. _____

3. Mpasi ekoyokaka bato kati na Lifelo ejali na makanisi na bango mpamba, to ejali na njoto mpe milimo na bango lokola?

4. Liloba moko oyo elakisi biso motindo na esambiseli na Njambe ejali oyo:

22

5. Maloba nini na Malako 9:43,44 ma-monisi biso ete mpasi na Lifelo ekoumela seko?

a. _____

b. _____

6. Soko moto alingi kokima Lifelo, ekoki na ye kosala nini?



23

4

NKEMBO OYO EJILI MWANA NA NJAMBE

BUT na leçon oyo:

1. Komonisa biso ndambo na nkembo na Lola.
2. Koyeba oyo Biblia elakisi na ntina na motindo na Lola.
3. Kososolisa biso na ntina na yango tokosalaka na Lola.

Awa na mokili, mondimi akojuaka boloji mpe akoyoka mawa mbala na mbala. Nde mokolo na nkembo ejili ye! Tolingi kokanisa nkembo oyo mwana na Njambe akojua na nsima na kufa.

1. Akofanda na Lola, mboka na nkembo eluti.
2. Akomonaka nkembo na Nkolo Yesu.
3. Akojua njoto na nkembo.

MONDIMI AKOFANDA NA LOLA, MBOKA NA NKEMBO ELUTI.

"Namonaki likolo na sika, na nse na sika, mpo ete lola na liboso, na nse na liboso isi-li kolongwa. Mai monene mpe ejali lisusu te. Namoni mpe mboka mosanto, Yelusaleme na sika kokita na likolo, kouta na Njambe. Esilaki kobongisama lokola mwasi na libala oyo asili kokemba njoto mpo na mobali na ye. Nayoki mongongo makasi kobima na kiti na bokonji ete, Tala! Efa-ndelo na Njambe ejali na bato esika moko. Akofanda na bango esika moko, mpe bango bakojala bato na ye, mpe Njambe ye mpenja akojala na bango elongo. Akolongola mpisoli yonso na miso na bango, mpe kufa ekojala lisusu te; mpo ete makambo na liboso masili koleka."

Emoniseli 21:1-4

(Tanga mpe Emoniseli 21:9-12, 21; mpe 22:1-2.)

Ndeko, njela na kolimbola kitoko na Lola ejali te! Yango ejali esika Njambe Ye moko akofandaka mpe Ye akofanda esika moko na bana na Ye. Ye moko akolongola mpisoli yonso na miso na bango. Eloko moko mabe ekojala kati na mboka yango te, mpe bato mabe yonso bakojua esika na kokota wana soko moke te. Mboka kitoko mpenja! Mboka na biso!

MONDIMI AKOMONAKA NKEMBO NA NKOLO YESU.

Yoane alobaki ete,

"Liloba akomi mosuni mpe atemisi mongombo na ye kati na biso mpe tomoni nkembo na ye, nkembo lokola mwana oyo abotami lokola mwana-nalikinda longwa na Tata; atondi na ngolu mpe na solo."

Yoane 1:14

Nde moto asili komona Ye naino te na nkembo yonso na Ye. Yoane amonaki nkembo na Ye na emononeli na esanga na Patamo, mpe amekaki kolimbola yango epai na biso:

"Nabongoli njoto kotala soko mongongo na nani ejali koloba na ngai. Esili ngai kobongwa namoni bitemelo na mwinda na wolo nsambo, mpe na kati na bitemelo na mwinda yango, moto moko na lolenge na mwana na moto. Alati elamba kino ma-

tambe, mpe ajingami ntolo na nkamba na wolo. Nsuki na motô na ye mpembe lokola nkunja na mpate mpembe pee, mpe miso na ye lokola epeleli na môtô. Makolo na ye majalaki lokola motako mongengisami pelamoko esili kotela na litumbu, mpe mongongo na ye lokola mongongo na mai monene. Na lobo-ko na ye na mobali asimbi mioto nsambo, mpe mopanga ebimi na monoko na ye mope-laki na bipai yonso mibale. Elongi na ye ejalaki lokola moi na kongenga na makasi na yango."

Emoniseli 1:12-16

Solo, elikia na mwana na Njambe ejali mpo na kotala Yesu miso na miso:

"Naino ejali biso kotalela elikia na biso na esengo, yango komonana na nkembo na Njambe monene mpe Mobikisi na biso, Klisto Yesu."

Tito 2:13

MONDIMI AKOJUA NJOTO NA NKEMBO.

Wana tokomona Yesu, tokojala lokola Ye.

"Balingami, sasaipi tojali bana na Njambe mpe naino emonani te soko tokojala nini. Toyebi ete soko yango

ekomonana, tokojala lokola ye, mpo ete tokomona ye pelamoko ejali ye."

1 Yoane 3:2

"Klisto ajali bomoi na bino, mpe soko ye akomonana, na ntango yango bino bokomonana na ye esika moko kati na nkembo."

Bakolose 3:4

"Ejali mpe bongo na lisekwa na bakufo. Ekokonama eloko na kopola, ekosekwa eloko na kojanga kopola. Ekokonama na motindo na nsoni, ekosekwa na motindo na nkembo; ekokonama na bolembu, ekosekwa na nguya; ekokonama njoto na mosuni mpenja, ekosekwa njoto na molimo. Soko njoto na mosuni ejali, njoto na molimo ejali mpe."

1 Bakolinti 15:42-44

Aleluya! Kuna na Lola, esika moko na Nkolo na biso, Yesu Klisto, tokokoka yonso:

a. Boyebi na biso ekokoka.

Koyeba ndambo mpe kokakatana ekosila:

"Toyebi bobele na ndambo mpe tokosakolaka bobele

na ndambo. Nde wana ekoya oyo ejali malamunso, oyo ejali bobele ndambo ndambo ekolinwa. Jambi sasaipi tojali naino kotala lokola kati na tala-tala mpe tokokakatanaka, kasi na ntango yango tokotalana bilongi. Sasaipi nayebe bobele na ndambo, nde na ntango yango nakoyeba pelamoko nayebebe.

1 Bakolinti 13:9,10,12

b. Tokokoka Kosambela Njambe na motindo mokoki:

"Mongongo ebimi na kiti na bokonji ete, Bosanjola Njambe na biso, bino baombo na ye yonso, na bino bamemisi na ye, bato mike na bato minene."

Emoniseli 19:5

"Mpe nayoki biloko yonso bijalisami, oyo na likolo, mpe na mokili, mpe na nse na mokili, mpe na mai monene, na biloko yonso na kati na yango lokola, koloba ete, Na Mofandi na kiti na bokonji mpe na Mwana na Mpate, masanjoli, na lokumu, na nkembo, na makasi, libela na libela!"

Emoniseli 5:13

"Bobele bongo! Masanjoli, na nkembo, na mayele, na matondi, na lokumu, na nguaya, na makasi, mpo na Njambe na biso libela na libela, bobele bongo."

Emoniseli 7:12

Saa ekokoka mpo na kokumisa mpe kosanjola Ye mpo ete ntango pelamoko yango na mokili oyo ejali lisusu te. Tokokoka kosambela Ye libela na libela.

c. Tokokoka kosalela Ye na motindo mokoki.

Tokofanda mpamba mokolo na mokolo koyembaka mpe kobetaka musiki kati na Lola te.

"Kiti na bokonji na Njambe mpe na Mwana na Mpate ekojala kati na yango (Lola), mpe baombo na ye bakosalela ye, bakomona elongi na ye, nkombo na ye ekojala na bilongi na bango...mpe bakojala bakonji libela na libela."

Emoniseli 22:3,4,5

Tokokoka kosalela Ye malamunso mpo ete njoto na lisumu oyo ejali mosusu te. Komekama mpe kokweya kati na lisumu ikojala lisusu te. Tokojala lokola Yesu Klisto. Tokobonga yonso libela na libela. Bomoi na seko ejali eloko na kitoko, eloko na nkembo oyo Njambe

alingi kopesa epai na moto na moto oyo andimeli Mwana na Ye.

"Litatoli ejali boye ete Njambe apesi biso bomoi na seko mpe bomoi oyo ejali kati na Mwana na ye. Oyo ajali na Mwana ajali na bomoi, ye oyo ajangi Mwana na Njambe, ajangi bomoi."

1 Yoane 5:11,12

Ndeko, soko yo ojali mwana na Njambe, kufa ejali eloko na kobanga te. Ejali ekuke kopesa biso njela kokota kati na nkembo oyo Njambe asili kobongisa mpo na bandimi na njela na Yesu, Mwana na Ye:

"Yesu alobi na ye ete, Ngai najali njela mpe solo mpe bomoi. Moto akokoma epai na Tata te soko na njela na ngai te."

Yoane 14:6

LOLA EJALI ESIKA KITOKO KOLUTA!
NAKOMONA YO KUNA?

EXAMEN 4

Fungola Biblia mpe tanga lisusu Emoniseli 21:3-5 mpe 22:1-5. Na nsima, tanga malamu bituneli moko na moko mpe monisa soko bijali solo (S) soko te (T).

1. Tokomona Yesu na Lola nde Tata Njambe akofanda epai mosusu. 1. S T
2. Mpasi ekojala wana te. 2. S T
3. Ndambo na biloko na kala bikojuama. 3. S T
4. Bato bakokufaka kuna lokola. 4. S T
5. Ekoki na biso kokeba wana mpo na eloko elakami mabe. 5. S T
6. Kuna tokojua mai na bomoi mpe njete na bomoi lokola. 6. S T
7. Tokopelisa mwinda butu na butu. 7. S T
8. Tokomona elongi na Mwana na Mpate. 8. S T
9. Tokofanda mpamba mokolo na mokolo, bobele koyemba njembo. 9. S T
10. Nkolo Njambe akongenge-la bato kuna na Lola ntango yonso. 10. S T

BIYANO NA BITUNELI NA EXAMENS

Examen 1:

1. c
2. a. 2 Bakolinti 5:6-8
b. Bafilipi 1:21-23
3. a, d
4. a. Makambo mabimelaki ye na mokili.
b. Bandeko mitano na ye.

Examen 2:

1. a
2. a. Oyo esalami na Gologota.
b. Oyo ejali kosalama kati na bomoi na biso.
c. Oyo kosalama na liboso na Esambiselo na Klisto.
3. a. T c. S
b. S d. T
4. Moto yango akobika mpo ete andimaki Yesu, nde akojua libonja te.

Examen 3:

1. Solo
2. a. Lifelo ejali esika na koyoka mpasi mingi.
b. Mpasi na kati na Lifelo ekese-ni mpo na moto na moto.
c. Mpasi kati na Lifelo ekoumela libela na libela.
3. Bakoyokaka mpasi na njoto mpe na molimo na bango lokola.

BIYANO (cont.)

Examen 3 (cont.):

4. sembo
5. a. móto mokojimana te.
b. nkiso na bango ekokufa te.
6. Ndimela Nkolo Yesu mpe yamba Ye na motema na ye.

Examen 4:

Esika na kojua eyano:

- | | |
|-------|----------------|
| 1. T | Emoniseli 21:3 |
| 2. S | 21:4 |
| 3. T | 21:4,5 |
| 4. T | 21:4 |
| 5. T | 22:3 |
| 6. S | 22:1,2 |
| 7. T | 22:5 |
| 8. S | 22:4 |
| 9. T | 22:3 |
| 10. S | 22:5 |